



# RÍKISLÖGREGLUSTJÓRINN

ALMANNAVARNADEILD



Berist til: Fjölmíðlar, almannavarnir.is, stjórnýsla og tengiliðir sóttvarnalæknis.

## STÖÐUSKÝRSLA

Dags: 13.03.2020

Kl.: 17:00

Staðsetning: Samhæfingarstöð/Embætti landlæknis/Söttvarnalæknir,

### Neyðarstig vegna COVID-19

#### Framvinda

Unnið er hörðum höndum að því að miðla upplýsingum og ráðleggingum til almennings, stofnana og fyrirtækja. Allar leiðbeiningar er að finna á heimasíðu [Embættis landlæknis](#) og [Ríkislögreglustjóra almannavarnadeild](#).

## Ráðgjöf vegna COVID-19

Leiðir að ráðgjöf hjúkrunarfræðinga:

**Alvarleg veikindi:**

- **Vaktsíminn 1700**
- **Símtal á þína heilsugæslu á dagvinnutíma**

Minni veikindi:

- **Samskipti á Mínnum síðum á heilsuvera.is**
- **Netspjall á heilsuvera.is - 8:00-22:00**

Síðastliðinn sólarhring hafa greinst 29 ný smit. Fjöldi smitaðra er því 134 talsins, þar af 30 innanlandssmit. Samtals hafa um 1188 sýni verið tekin, þar af 253 síðastliðinn sólarhring.

Mikil vinna stendur yfir við skipulag og leiðbeiningar fyrir takmarkanir á samkomu- og skólahaldi sem heilbrigðisráðherra tilkynnti í dag til að hægja á útbreiðslu Covid – 19. [Sjá frétt á vef stjórnarráðsins.](#)

#### Upplýsingafundur

**Víðir Reynisson yfirlögregluþjónn hjá ríkislögreglustjóra** stjórnaði upplýsingafundinum.

**Þórólfur Guðnason, sóttvarnalæknir** fór yfir stöðu mála með tilliti til COVID-19, staðfesta smita hér á landi o.fl. Ekki er þekkt smitleið hjá þremur einstaklingum og má búast við að slíkum tilfellum muni fjölga. Tveir einstaklingar eru á Landspítala í einangrun en eru ekki á gjörgæslu. Þórólfur undirstrikaði mikilvægi þess að almenningur og fyrirtæki gæti að sóttvarnaaðgerðum til að hindra dreifingu veirunnar. Í morgun var gefin út ný tilskipun frá sóttvarnayfirvöldum um samkomubann sem stuðlar enn frekar að því að hefta útbreiðslu. Áætlað er að samkomubannið standi yfir næstu fjórar vikur en það ræðst einnig af öðrum þáttum og aðgerðum sem eru í gangi í samfélaginu. Sýnataka Decode er hafin. Athugið að einstaklingar í sóttkví eiga ekki að fara í þessa sýnatöku. Það yrði brot á sóttkví. Áriðandi er að fylgja því ferli sem unnið er eftir.

**Alma D. Möller landlæknir** hrósaði smitsjúkdómalæknum fyrir sín störf og upplýsingateymi samhæfingarstöðvar fyrir vefinn [www.covid.is](#) sem er nú kominn í loftið með miklum upplýsingum fyrir almenning. Áfram unnið að gerð upplýsingaefnis. Lyfjastofnun hefur tilkynnt um auknar lyfjabirgðir í landinu. Hún brýnir fyrir læknum að ávísa lyfjum í hófi og í takti við þarfir hvers og eins. Vel gengur að manna bakvarðasveit heilbrigðisstarfsmanna.

[Skráningarformið](#) er aðgengilegt á vef heilbrigðisráðuneytisins.

**Andrés Magnússon, framkvæmdastjóri Samtaka verslunar og þjónustu** fjallaði um birgðastöðu í landinu. Mikið og óþarft álag hefur undanfarna daga verið í verslunum. Andrés undirstrikaði að það eru til nægar birgðir af mat og öðrum nauðsynjavörum í landinu, bæði innfluttum og innlendum. Vöruflæði er með eðlilegum hætti og engin þörf er að hamstra mat. Nauðsynlegt er að almenningur hagi innkaupum til heimila með eðlilegum hætti. Sama á við um lyf.

## Upplýsingamiðlun

### Framundan:

- Upplýsingafundir fyrir fjölmiðla eru áætlaðir laugardaginn 14. mars og sunnudaginn 15. mars kl. 14:00.
- Næsti stöðufundur vegna COVID 19 verður mánudaginn 16. mars kl. 9:00.

### Vefurinn Covid.is

Vefurinn [covid.is](https://www.covid.is) fór í loftið. Vefurinn miðlar upplýsingum til almennings um aðgerðir hér á landi vegna sjúkdómsins sem veldur Covid-19. Þar má einnig nálgast ýmsar tölulegar upplýsingar.

### Samráð og ýmsar upplýsingar m.a.


- Uppfærðar leiðbeiningar hjá Umhverfisstofnun vegna [smithættu af sorpi og meðhöndlun úrgangs fyrir sorphirðufólk](#).
- Persónuvernd hefur birt á vef sínum upplýsingar um [COVID-19 og persónuvernd](#).
- Samráð haft við Strætó um breytt verklag við skipulag og akstur vagnanna í næstu viku.
- Bændasamtökin mæla með því að takmarka heimsóknir á bú. Sjá [frétt á vef bændasamtakanna](#).

## Staða mála

Ísland - staðan í dag




## Fjöldi sýna eftir dögum




## Heildartölur

- 129** staðfest smit
- 1.097** í sóttkví
- 129** í einangrun
- 1.188** sýni


## Fjöldi smitaðra eftir dögum



## Fjöldi smitaðra eftir kyni



## Uppruni smits




## Smit / sóttkví eftir landshlutum



	Smit	Sóttkví
Austurland	0	4
Höfuðborgarsvæðið	123	962
Norðurland eystra	0	34
Norðurland vestra	1	1
Suðurland	4	37
Suðurnes	0	21
Vestfirðir	0	10
Vesturland	0	7
Óstaðsett	1	20

## Fjöldi smitaðra eftir aldri



## Kórónaveira – útbreiðsla erlendis

Í dag hefur sýking af völdum COVID-19 verið staðfest hjá um 137.385 einstaklingum og um 5.088 einstaklingar hafa látist (3,7%). Samkvæmt John Hopkins hafa 69.779 einstaklegar náð sér eftir veikindin. Mikill vöxtur hefur verið í dreifingu veirunnar í Evrópu, sérstaklega á Ítalíu, á Spáni og í Þýskalandi. ECDC hefur breytt áhættumati sínu yfir í að faraldurinn geti orðið meðalstór eða mikil lýðheilsuógn. Sjá vef Sóttvarnastofnunar Evrópu (ECDC) varðandi þróun mála í hverju landi fyrir sig. Sjá áhættumat ECDC.

### Borgarþjónusta utanríkisráðuneytisins

Borgarþjónusta utanríkisráðuneytisins hefur aukið símsvörun og svörun skriflegra fyrirspurna. Íslendingar í vanda erlendis geta haft samband í síma 545-0-112, sent skilaboð í [hjalp@utn.is](mailto:hjalp@utn.is) og haft samband í gegnum Facebook síðu utanríkisráðuneytisins. Íslendingar á ferðalagi erlendis eru hvattir til að skrá sig í grunn borgarþjónustunnar er í gegnum Stjórnarráðsvefinn [www.utn.is](http://www.utn.is)